

Սմարթ-Էկրաններ Աշխարհացույցի դպրոցներին

ՀԱՅՏԱՐԱՐՈՒԹՅՈՒՆ

«Վիզուալ Հայաստան» զարգացման հիմնադրամը «Աշխարհացույց» կրթական ծրագրի շրջանակներում հայտարարում է հանրակրթական դպրոցներին ժամանակակից տեխնիկայով զինելու՝ **«Սմարթ-Էկրաններ Աշխարհացույցի դպրոցներին 2025»** մրցութային ծրագրի մեկնարկը:

Ծրագրի նպատակն է Հայաստանի հանրակրթական դպրոցներին զինել նոր սերնդի կրթական սմարթ-էկրաններով՝ որպես ժամանակակից կրթական միջավայր ձևավորող թվային ենթակառուցվածքի առանցքային բաղադրիչ: Մրցութային ծրագիրը, «Վիզուալ Հայաստան» զարգացման հիմնադրամի այլ հեղինակային ծրագրերի նման, մշակվել և առաջնահերթություն է ստացել կարիքի հիման վրա արված վերլուծության արդյունքում:

Հայաստանի դպրոցներին ժամանակակից շունչ տալուն միտված խիստ կարևոր այս Ծրագիրը երրորդ տարին անընդմեջ հնարավոր է դարձել իրականացնել «Մանուկյան Սիմոն» հիմնադրամի, իսկ այս տարվանից նաև «Հ. Հովնանյան» ընտանեկան հիմնադրամի ֆինանսավորման շնորհիվ:



Վիզուալ Հայաստան
զարգացման հիմնադրամ



Մանուկյան
Սիմոն Հիմնադրամ

H. Hovhannyan
H. HOVNANIAN
FAMILY FOUNDATION

Ստորև խնդրում ենք **ուշադիր կարդալ և ծանոթանալ** Ծրագրի բովանդակությանը, պահանջներին և պայմաններին:

ՐՆԿ Կարող է դիմել Ծրագրին

Մրցույթ-ծրագրին կարող են դիմել «Աշխարհացույց» կրթական համայնքի շահույթ չհետապնդող այն բոլոր հանրակրթական դպրոցները և քոլեջները, որոնք

- ունեն Աշխարհացույց կրթական հարթակի կիրառման առնվազն եռամսյա փորձառություն և
- նախկինում Ծրագրի շրջանակներում սմարթ-էկրան չեն վաստակել:

Ի դեպ, «Աշխարհացույց» ծրագրի վերապատրաստումներին մասնակցած և հավաստագիր ստացած ուսուցչի հանգամանքը կդիտարկվի որպես առավելություն:

Մրցույթի թեման է՝ «Քարտեզագրելով ազգային և (կամ) համաշխարհային ժառանգություն ստեղծած անհատի ուղին»: Մրցույթը կընթանա երկու փուլով, նախագծային մրցույթ-ծրագրի ամբողջական հայեցակարգին ծանոթացեք հետևյալ [հղումով](#): Ստորև ներկայացված են յուրաքանչյուր փուլի համար սահմանված պահանջները:

I փուլ

Առաջին փուլի համար սահմանված են հետևյալ պահանջները

- բեռնել և լրացնել հետևյալ [ձևաթուղթը](#).
- լիարժեք լրացնել հետևյալ [հայտը](#):

Ուշադրություն. չեն դիտարկվի այն դիմումները, որոնք չեն բավարարի առաջին փուլի պահանջները:

Դիմելու վերջնաժամկետը **ս.թ. հունիսի 30-ն է**: Դիմումի ամբողջական փաթեթը անհրաժեշտ է ուղարկել smartschools@visualarmenia.org էլիասցեին՝ «Թեմա» բաժնում գրելով Ծրագրի անվանումը՝ **«Սմարթ-էկրաններ Աշխարհացույցի դպրոցներին 2025»**:

Երկրորդ փուլ անցած դպրոցներն այդ մասին կտեղեկացվեն ս.թ. օգոստոսի 20-ին էլիասցեի միջոցով, որից հետո կմեկնարկի 2-րդ՝ բուն նախագծի իրականացման և վերապատրաստումների փուլը:

II փուլ

II փուլը կմեկնարկի ս.թ. օգոստոսի 20-ին և կավարտվի նոյեմբերի 1-ին՝ նախագծային աշխատանքների հանձնմամբ: Ծրագրի երկրորդ փուլ անցած դպրոցները կներգրավվեն առնվազն 6 թեմատիկ վերապատրաստումներում (նախագծային աշխատանքի հմտություններ, 21-րդ դարի հմտություններ, SՀS հմտություններ, պրեզենտացիոն հմտություններ և այլն), որոնց նպատակն է ներգրավված դպրոցներին ուղղորդել և աջակցել լավագույն նախագծային աշխատանք կատարելու ճանապարհին:

«Քարտեզագրելով ազգային կամ համաշխարհային ժառանգություն ստեղծած անհատի ուղին» խորագրով իրականացված նախագծային աշխատանքները կդիտարկվեն և կգնահատվեն մրցութային հանձնաժողովի կողմից հետևյալ [սանդղակի](#) հիման վրա:

Մասնակիցներից պահանջվելու է Նախագծային աշխատանքի **վերջնարդյունքը ներկայացնել** brainograph.com **հարթակում**՝ հղումն ուղարկելով Հիմնադրամին:

Լավագույն 50 աշխատանքներ ներկայացրած դպրոցները կվաստակեն նոր սերնդի սմարթ-էկրան: Պարտադիր պայմանները բավարարած և հավասար միավորներ հավաքած դպրոցների ընտրության համար սահմանված հավելյալ չափանիշներն են.

- դպրոցում «Աշխարհացույց» կրթական ծրագրի շահառու սովորողների քանակ,
- դպրոցում «Աշխարհացույց» կրթական ծրագրին ներգրավված ուսուցիչների քանակ,
- դպրոցում նորարարական ուսումնական տեխնիկայի կարիք,
- դպրոցի՝ համայնքում մենթոր լինելու կամ դառնալու հանգամանք:

Ի գիտություն

- Երկրորդ փուլ անցած դպրոցների հետ կիրականացվի մենթորական աշխատանք՝ ըստ Ծրագրի սահմանած ժամանակացույցի և ուղեցույցի:
- Նախագծային աշխատանքների գնահատումը կատարելու է տարբեր կրթական կառույցների ներկայացուցիչներից կազմված հանձնաժողովը:

ՀԱՆՐԱԿՐԹԱԿԱՆ ԴՊՐՈՑՆԵՐԻ ՏԵԽՆԻԿԱԿԱՆ ՎԵՐԱԶԻՆՈՒՄ «ԱՇԽԱՐՀԱՑՈՒՅՑ» ԿՐԹԱԿԱՆ ԾՐԱԳՐԻ ՇՐՋԱՆԱԿՆԵՐՈՒՄ

Ներածություն. խնդրի սահմանում

XXI դարի որակյալ ու հասանելի կրթությունը դասավանդման մեթոդամանկավարժական բարձր պահանջներից բացի ենթադրում է կրթական ժամանակակից տեխնոլոգիաների ներդրում և տիրապետում: Կրթական նորարարությունների և դասավանդման ժամանակակից մեթոդների կիրառումը հանրակրթության ոլորտում դարձել է շատ ավելի պահանջված: «Աշխարհացույց» կրթական նորարարական հարթակի ներդրման վերջին չորս տարիների ընթացքում հանդիպել ենք հանրակրթական դպրոցներում առկա հետևյալ խնդիրներին.

- ուսումնական գործընթացն արդիական կազմակերպելու համար անհրաժեշտ տեխնիկայի պակաս, հաճախ նաև՝ բացակայություն,
- տեղեկատվական և հաղորդակցական տեխնոլոգիաների կիրառման հմտությունների պակաս,
- ինտերակտիվ բովանդակության բացակայություն:

Խնդրի լուծում. դպրոցների տեխնիկական վերազինում՝ որպես վարձացման անհրաժեշտ նախապայման

«Աշխարհացույց» կրթական նորարարական հարթակի ձանաչման ու գործածման վերապատրաստումների ընթացքում ուսուցչական համայնքի ներկայացուցիչները բավմիցս բարձրացրել են խնդրի առարկան՝

դպրոցը չունի տեխնիկական միջոց ինտերակտիվ և ներգրավող դաս կազմակերպելու համար: Խնդիրը վեր է հանվել ու **Հիմնադրամի համար դարձել առաջնահերթություն:**

«Վիզուալ Հայաստան» վարձագման հիմնադրամը **«Աշխարհացույց» կրթական ծրագրի** շրջանակներում մրցութային կարգով հնարավորություն է ընձեռում ՀՀ պետական հանրակրթական դպրոցներին լրացնել իրենց տեխնիկական հագեցվածության բացը՝ մասնակցելով հայտարարվող ծրագրին՝ ըստ սահմանված պահանջների:

Հաջողված օրինակներ. «Աշխարհացույց» ծրագրի փորձարարական փուլի ընթացքում հանրակրթական երկու դպրոց ստացել է սմարթ-էկրան, որի հիման վրա կառուցվել է **«Սմարթ-էկրաններ Աշխարհացույցի դպրոցներին»** մրցութային ծրագիրը: Արդյունքում, 2023-2024 թթ. Հանրապետության 147 դպրոցների, որպես մրցույթի պարգև, տրամադրվել է Նորագույն տեխնիկա, ինչի շնորհիվ «դասասենյակները դարձել են դպրոցի Նորարարական կենտրոններ», սմարթ-էկրանը՝ «պատուհան դեպի աշխարհ», դասերը՝ «անչափ հետաքրքիր ու սպասված»:

Ծրագրի շրջանակներում սմարթ-էկրան ստացած դպրոցը պարտավորվում է.

- տեխնիկական օգտագործել բացառապես դպրոցի կրթական նպատակների համար՝ ապահովելով դրա տեխնիկական սարքինությունը,
- իրականացնել նախագծային աշխատանքներ,
- իրականացնել նախագծային աշխատանք առնվազն մեկ այլ դպրոցի հետ,
- կիսվել «Աշխարհացույց» կրթական ծրագրի և տեխնիկայի ընձեռած հնարավորություններով համայնքի այլ դպրոցների հետ՝ կազմակերպելով ճանաչողական ու կիրառական հանդիպումներ:

Ուշադրություն: Հիմնադրամը հաղթող դպրոցի հետ կնքելու է Տեխնիկայի նվիրատվության պայմանագիր և գործընկերության հուշագիր, որտեղ սահմանված են կողմերի իրավունքներն ու պարտականությունները:

Նպատակ և արդյունք

«Աշխարհացույց» կրթական Նորարարական ծրագրի շրջանակներում պետական **հանրակրթական դպրոցներին տեխնիկական** աջակցություն ցուցաբերելու նպատակն է՝ նպաստել կրթության որակի և արդյունավետության բարձրացմանը, որի արդյունքում առաջին հերթին կձևավորվի «Աշխարհացույց» կրթական հարթակից օգտվելու (կայքը՝ <https://brainograph.com/>) և դրա օգնությամբ ինտերակտիվ դասեր կազմակերպելու հմտություններ ունեցող, մեթոդամանկավարժական Նոր կարողություններ կարգացնող ուսուցչական համայնք, ապա նաև Աշխարհացույցում դեռևս չներառված առարկաների դասերի ու տարատեսակ միջոցառումների արդյունավետ և հիշարժան կազմակերպում, քանի որ Նորագույն սմարթ-էկրանները բազմաֆունկցիոնալ են և կիրառելի տարբեր առարկաների համար:

Տեխնիկական նման հագեցվածություն ունեցող դպրոցները, որտեղ առկա են նաև վերապատրաստված և վերապատրաստվող մանկավարժներ ու կրթության կազմակերպիչներ, կարող են լիարժեքորեն ստանձնել մրցունակ սերունդ կրթելու առաքելությունը՝ քայլելով ժամանակի պահանջներին համընթաց:

Ակնկալվում է, որ Ծրագիրը կնպաստի «Աշխարհացույց» կրթական նորարարական հարթակի ճանաչմանն ու գործածմանը, արդյունավետության բարձրացմանը, որի ընթացքում և արդյունքում դպրոցն իր ուսուցչի և սովորողի հետ.

- կդառնա «Աշխարհացույց» ծրագրի մասնակիցն ու տարածողը,
- կառաջնորդի գործընկեր դպրոցներին դեպի XXI դարին համահունչ կրթական միջավայրի ձևավորում և դասավանդում,
- կդառնա ինքնաձևաչ և կձևավորի լայն աշխարհայացքով, գործընկերության պատրաստ ու առաջնորդություն ստանձնող համայնք:

Ծրագրի միջանկյալ արդյունքները


Երկու տարվա՝ 2023-2024 թթ. ընթացքում

- ծրագրին դիմել է 230 դպրոց,
- իրականացվել է ընդհանուր 202 նախագծային աշխատանք,
- ՀՀ բոլոր մարզերից հաղթող է ձևաչվել 140 դպրոց, որտեղ տեղադրվել է նորագույն ինտերակտիվ հեղուկ-բյուրեղային էկրան,
- հաղթող նախագծային աշխատանքներին մասնակցել են 200 ուսուցիչ և 1435 սովորող,
- ևս 2 դպրոցի սմարթ-էկրան նվիրաբերվել է Հիմնադրամի նախագծային մրցույթ-ծրագրի պիլոտային փուլում՝ մրցույթ-ծրագրից դուրս,
- ևս 5 դպրոցի սմարթ-էկրան է նվիրաբերվել Հիմնադրամի այլ բարեգործական նախաձեռնությունների շրջանակում,
- ընդհանուր առմամբ մոտ 60 000 սովորող այս ծրագրի շահառու է՝ որպես սմարթ-էկրան ստացած դպրոցի սովորող:

Ապդեցություն 2023-2024

147 հանրակրթական դպրոց

50 000+ աշակերտ



ԵԶՐԱԿԱՅՈՒԹՅՈՒՆ

«Սմարթ-էկրաններ Աշխարհացույցի դպրոցներին 2025» ծրագրի արդյունավետ իրականացումն ու ընդլայնումը մեծապես կնպաստի մրցունակ դպրոցների և կրթական միջավայրի ձևավորմանը՝ առնվազն այս ծրագրի շրջանակներում ապահովվելով միջավայրի կայուն զարգացում: